

**KA LYNTI IAID BAD KA  
KAM BADEI JONG KA  
JINGLONGBRIEW**

**HA**

**KANE KA PYRTHEI**

**DA U**

**B. THANGKHIEW**

---







REFERENCE  
Not to be Lent

State Central Library

Meiktila, Yangon

KA LYNTI IAI'D BAD KA KAM BADEI JONG  
KA JINGIM JONG KA JINGLONGBRIEW  
HA KANE KA PYRTHEI.

DA U

B. THANGKHIEW.

---

LA PYNMIH DA

U NONGTHOH JONG KA.

---

LA SHON HA RI KHASI PRESS, UMSOHSUN,  
SHILLONG.

---

Library books will give you Joy for Lent  
If handled carefully with clean hands



## KI 'TIEN LAMPHRANG

Ine i jingthoh ba tang khyndiat ha  
ine i kot iba rit, i long shisha iba tang  
khyndiat kyntien hynrei i long iba lah  
ban kit ban bah ia ka longbriew-  
manbriew, namar lada ki briew ki lah  
ban bud bad ban leh tang kat i jing-  
hikai jong ine i kot barit, ka la biang  
ia ki ban poi sha ka lynti jong ka jing-  
imsuk-imsain ha kane ka pyrthei.

La thoh ia ine i kot kum ka jing-  
pynkynmaw ba ki briew ki dei ban leh  
ia ka kam kaba dei kaba long kat kum  
ka jingsngewthuh jong ki hi, namar ba  
bun ki briew ki la leh bym suitñiew bad  
iaid lait na ka lynti kaba dei bad kumta  
kim lah shem bha shem miat satia.

B. Thangkhiew.





(1)

## JINGKDEW

	page
1. Ka jingsngewthuh jong ka jinglongbriew	1
2. Ka kamram jong ka jing- longbriew ka long ban trei hok ia la ka kam	3
3. Ka kamram jong ki nong- aikam ba ki dei ban leh ia ka kam kaba dei	8
4. Ka jinglongjanai bad trei hok ia la ka kam	10
5. Ka jingshaniah jong ki para briew ka long kaba donkam ia u briew	17
6. Ka spah bym hok kam ju lah neh	21
7. Ka jingkordor jong ka akor ha ka jinglongbriew	24

(2)

	page
8. Ban tei ia la ka jingim, dei ban pynshong tynrai ha la ka jong ka bor ka buit bad ha la ki jong ki kjat	30
9. Ieid, burom, ngeit bad kohnguh hukum ia la ki jong ki kmie ki kpa ban poi sha ka jingbha	35
10. Wat ju tharai sniew bad pynbudnam ia ki briew khlem da tip bad da shem ia ka jingshisha	41

**KA LYNTI IAID BAD KA KAM  
BADEI JONG KA JINGIM JONG  
KA JINGLONGBRIEW.**

---

**KA JINGSNGEWTHUH JONG KA  
JINGLONGBRIEW.**

Ha ka lynti jong ka jinglongbriew,  
ia ki briew la hikai bad la pynsngewthuh  
ba ki dei ban ia id ha ka lynti kaba dei.  
Kata ka lynti kaba dei ka long ba ki dei  
ban trei hok ia la ka kam, ba ki dei ban  
nym pynmong ia ka mynsiem jong kiwei  
pat ki parabriew, ba ki dei ban leh bha  
ia la ki parabriew bad kiwei kiwei ki  
kam ba la hikai bad la pynsngewthuh ia  
ki ba kano kano ka kam kaba sniew  
kata ka long ka kam kaba kim bit ban  
leh bad kano kano pat ka kam kaba  
bha kata ka long ka kam kaba ki dei  
ban leh.

Kane ka jingsngewthuh jong ka  
jinglongbriew ka la long janai haduh  
katta katta bad kumta ka la shu long  
salonsar ba baroh ki briew ha ka pyrtnei

ki la long kiba sngewthuh lypa ba kano  
 kano ka kam kaba ki leh, ba ka long  
 kaba bha ne kaba sniew. Ki briew kat  
 kum ka jingsngewthuh jong ka jing-  
 longbriew jong ki, ki sngewthuh biang  
 biang haba ki leh ia kano kano ka kam,  
 kata haba ki leh ia ka kam kaba sniew  
 ne ka kam kaba bha. Kat kum ka ain  
 jong ka jinglongbriew la khang ia ki ba  
 kim bit bad kim dei ban leh ia ka kam  
 kaba sniew hynrei ba ki dei ban leh tang  
 ia ka kam kaba bha, hynrei kat kum ka  
 ain pyrthei ka jinglongbha bad ka jing-  
 longsniew ka don lang ha ki briew ba kin  
 pyndonkam ia ka kat kum ka jingsngew-  
 bit bad jingsngewthuh jong ki.

Kumba la hikai bad la pynsngew-  
 thuh ia ki briew ba kat kum ka jinglong  
 briew jong ki ba ka kamram jong ki kum  
 ki briew ka long kaba ki dei ban leh ia  
 ka kam kaba hok kaba shisha bad  
 kaba bha bad ba kin nym leh ia ka kam  
 kaba sniew, kumta haba ki leh ia kano  
 kano ka kam lada kaba bha ne kaba  
 sniew wat lada ym don ba tip mano  
 mano ruh ia kata ka jingleh jong ki,  
 hynrei ka jingtiplem jong ki ka sngew-  
 thuh bad ka shai ha ki tyngkrein ba ki la

leh ka kam kaba bha lane ba ki la leh ka kam kaba sniew.

Kat kum ka jingsngewthuh bad ka jinghikai jong ka jinglongbriew ka long ba haba ki briew ki leh ia ka kam kaba bha kin shem bha bad haba ki leh ia ka kam kaba sniew kin shem sniew, bad kumta ruh kane ka jingsngewthuh ka la shongtynrai ha man la uwei pa uwei u briew ne ka briew ba ka jinglong babha ka long kaba kordor bad kaba dei bad ka jinglong basniew pat ka long kaba pohdor bad ka bym dei na ka bynta ka jingim jong ka jinglongbriew.

Kane ka jinglong babha ba ka long kaba kordor bad kaba dei na ka bynta jong ka jinglongbriew ka long kaba shisha kaba ngim lah ban len namar ngi iohi ba ki briew kiba bha ba hok bad ba shisha kham bun na ki ki long kiba ju shembha-shemmiat.

— — — —

**KA KAMRAM JONG KA JINGLONGBRIEW  
KA LONG BAN TREI HOK IA LA KA KAM.**

Ka kamram jong ka jinglongbriew ha ka pyrtnei ka long ba ki briew ki dei

ban long kiba trei hok ia la ka kam, ba ki dei ban iaid ha ka lynti kaba dei kaba hok bad kaba shisha kaba long kat kum ka jingsngewthuh jong ka jinglongbriew ba shisha jong ki, khnang ba ka jinglongbriew shimet jong ki kan poi sha ka kyrdan ka babha bad ba don burom bad ba ka ieing ka sem bad ka jaitbynriew jong ki ruh kan kiew sha ka kyrdan ba donnam bad ba donburom Kano kano ka jaitbynriew ha ka pyrthei kaba ki paidbah ba bun ki long kiba trei minat, kiba trei bha bad kiba trei hok ia la ka kam bad kiba iaid ha ka lynti kaba beit kaba hok bad kaba shisha, kata ka jaitbynriew barabor ka long kaba riewspah-riewphew kaba suk-basain bad kaba donnam-donburom.

Ka jingtrei hok ia la ka kam ka long ba haba ki briew ki longki nongtrei bylla sngi, haba ki leit bylla ha kiwei pat ki briew ki dei ban sngewthuh ba ki leit bylla ban trei ia kata ka kam khnang ba kin ioh la ka bainong ba kin ioh ban thied ia la ka jingbam-jingdih ne kano kano ka jingdonkam jong ki. Haba ki shim ia ka bainong ruh ki dei ban sngewthuh ba ki shim ia kata ka bainong da ka jingsngewthuh ba ki la

trei hok ia la ka kam kat kum kata ka bainong kaba ki la ioh, kaba long kat kum ka jingiakut jong ki. Haba ki trei ia kata ka kam ki dei ban sngewthuh ba ka dei ka kamram jong ki ban trei, ym da donkam ba ki trai nongaibylla kin da appeit ba ki trei ne kim trei ia kata ka kam jong ki, hynrei ba ki dei ban trei ia la ka kam kat kum ka jingsngewthuh bad ka jingtiplem jong ki kum ki briew ba trei hok ia la ka kam. Kane ka jingtrei hok jong ki ia la ka kam, ka pynsngewhun ia ka mynsiem jong ki kum ki briew ba shisha bad ka pynsngewhun ruh ia kita ki briew kiba ai jingtrei ia ki ba ki long ki briew kiba trei hok ia la ka kam.

Kane ka jingsngewsuk mynsiem jong ki ba ki la trei hok ia la ka kam bad ka jingsngewtynn timer bad jingsngewbha jong kita ki briew kiba ai kam ia ki, bunsien ka ju wallam ka jingkyrkhu halor jong kita ki briew ba kin lait na ka kam bylla sngi bad ba kin kiew sha kawei pat ka kyrdan jong ka kam ba kham suk bad kham don burom. Kane ka long kaba shisha kaba ngim lah ban len namar kano kano kaba ki briew ki leh, bunsien ki ju ioh la ka jong ka bai-

nong. Kane ka long ka ain bashisha jong ka jinglongbriew ha ka pyrthei kaba pynksan ia ka jinglongbriew ha kaba paw bad kaba rieh. Ka jingbha bad ka jingkordor kaba mih na ka jingtrei hok jong ki nongtrei ka long ba kita kiba ai jingtrei ki ioh jingmyntoi bad iohnong na kata ka jingtrei kam jong ki bad kumta ka kam jong ki ka nangroi bad nangheh ba ki dei ban buh kham bun ki nongtrei katba ka por ka nangiaid. Kane ka pynlong ban pynioh jingtrei kham bun ia ki briew kiba duk kiba suk ba kin nym shong-sngi bad ba kin ioh la ka jingtrei jingktah, ba kin ioh la ka bam ka dih ha kata ka jingimduk-imsuk jong ki.

Ka jingtrei bym hok ia la ka kam ka long ba ki briew ki long ki bym don ka jingleh hok bad ka jingpyrkhat kat kum ka jinglongbriew jong ki, kiba trei arsap bad kiba trei bym hok ia la ka jong ka kamram kaba ki dei ban trei, kata ka long haba ki leit trei bylla ki trei tang haba iohi ki trai nongai bylla hynrei ki shong bad ki thiah haba kim iohi ma ki, ka jingleit bylla jong ki kam long satia ba kin leit trei ban ioh bainong kat kum ka kam kaba ki la trei hynrei ka long ka



jingleit bylla thok tang ban ioh pisa,  
 hynrei ym ban trei kat kum ka bainong  
 kaba ki ioh. Kane ka jingleh bad ka  
 jingpyrkhat alhia jong ki ba ki sngew  
 kumba ki la iohnong namar ba ki la ioh  
 pisa khlem da trei ka long ka bym dei  
 namar kane ka jingleh jong ki kan pyn-  
 long ia ki ki nongbylla sngi ba kyrduh  
 bad kordit baroh shirta jong ki, namar  
 kum ia kita ki jait briew yn nym don ba  
 khot bylla ia ki, ki da ioh bylla eh ruh ka  
 long tang shisngi bad arsnig shitaiew,  
 tang ba kin bam ruh kin nym dap, kumta  
 kan long ka jingim ba kyrduh ba  
 shitom bad ba kordit ka ban wallam  
 shibun ki jingsniew halcr jong ki. Kawei  
 pat haba ki briew ki leh ia kano kano ka  
 kam ka bym dei bad kaba long palat  
 kaba kim lah shuh ban pynksan ia lade  
 da lade hi, ka jingbishar jong ka jing-  
 tiplem jong ka jinglongbriew jong ki  
 kumba la ong kan pynrem ia ki ba kin  
 nym lah ban shem bha, namar kat kum  
 ka jinglongbriew ka long ba haba lehbha  
 shem bha bad haba leh sniew shem  
 sniew.

---

**KA KAMRAM KI NONGAI KAM BA KI  
DEI BAN LEH IA KA KAM KABA DEI.**

Ki briew kiba ai bylla ai sngi bad ai jingtrei ai jingktah ia kiwei pat ki briew, ngi sngewthuh ba ki long kiba kham don kham em lane kiba riewspah riewphew. Kine ki briew ki dei ban long kiba nang ban pyniaid ia ki nongtrei jong ki, ki dei ban long kiba sngewthuh, kiba sbun bad kiba kylluid mynsiem. Ia ki nongtrei jong ki kiba trei hok ia la ka kam ym tang ka bainong ia ki ba kin ai hynrei ba kin pyni bad pynsngewthuh ia kita ki nongtrei jong ki ia ka jingsngewhun jong ki ia ka kam jong ki ba ki trei, ryngkat ka ktien ban pynsngewthuh ia ki ba ki dei ban long ki briew kiba trei hok la ka kam khnang ba kin ichja iohdohkha bad longbha longmiat hadien habud, ym tang ka ktien ba kin pyni, hynrei ba kin ialeh katba lah ban iarap kum ia kita ki briew kiba la don lypa ka jinglonghok jong ka jinglongbriew jong ki kaba long ka dak ba kin poi sha ka kyrdan kaba don burom. Ia ki briew kiba trei arsap bad trei bym hok ia la ka kam wat ju aili ia ki, pyni pynsngewthuh ia ki ba ki dei ban trei hok ia

la ka jong ka kamram khnang ba kita  
kiba ai kam kin nym duhnong bad ba  
ki hi ruh kin poi sha ka lynti kaba bha.

Ha ka jinglongbriew don shibun ki  
briew kiba bha jinglong kiba lah ban  
kylla bad sngewthuh ia ka jingbakla  
haba pyni bad pynsngewthuh ia ki bad  
kumta ruh ki lah ban kylla na ka jing-  
long kaba sniew sha ka jinglong kaba  
bha, namar ba ki briew ki long kiba  
bha jinglong hynrei ka jingleh jong  
ki ka shu long ba ki shu bud ia ka ru-  
kom trei jong kiwei pat ki briew  
kiba sniew jinglong bad kumta ki shu  
mlien noh ban trei lane ban leh ia kaei  
kaei kumba kita ki briew kiba sniew  
jinglong ki trei bad ki leh.

Ia ki briew kiba sniew bad arsap  
jinglong kiba long naduh ka tynrai jong  
ka mynsiem jong ki, ia kum kita ki  
jaitbriew ka long kaba eh shibun ban  
pynkylla bha ia ki, haba ia dei kam  
bad kilada shem ba ki leh ia ka kam  
bym dei lada leh tynggeh ia ki kin thaw  
lad ban pynsniew arshah ia ka kam,  
ka mynsiem sniew ka shongrben ha ki,  
bad kumta ka jingpyrkhat ha ki kam ju  
don ba kin poi sha kaba bha ne kaba

sniew, kum ia kita ki jaidbriew dei  
 ban kiar shisyndon ban nym iadei kam  
 lane ban nym ai kam ia ki lada lah,  
 namar ka jingiadei kam bad ka jingai  
 kam ia ki kan long ka jingtroin bad  
 jingduh ia ki nongai kam bad nalar kata  
 pat ka long ka jingaili ia ka jingsniew  
 kaba long ba ka jinglongbriew ka dei  
 ban ialeh ban pynduh ia ka.

-----

# **KA JINGLONG JANAI BAD TREI HOK IA LA KA KAM.**

Kano kano ka kam kaba u briew u  
 trei, u dei ban long u ba trei hok trei  
 beit bad trei kat kum ka kam ba u dei  
 ban trei. Lada ka long ka kam la ka  
 jong, ba u dei ban trei ia kata ka kam  
 kat haduh ba kan da biang kat kum ka  
 dur ka jong ka, kaba ha ka jingsngew  
 bad ka jingiohi jong u ba kata ka jingtrei  
 jong u ka la long janai kat kumba  
 u la mut ban trei, kata ka long ba  
 haba u ker ia ka kper, kat kum ka  
 jingmut bad ka bor jong u kaba u lah,  
 lada ka long ba u ker da ki diengrit  
 diengria namar ka jingbymdonbor jong

u bad kumta ruh ba kata ka jingtrei  
 barit bym donbor jong u ka dei ban  
 long kaba janai kat kum ka jing-  
 sngew bad jingmut jong u bad kaba  
 long ba kiwei pat ki briew kiba iohi ia  
 kata ka jingker jong u ba wat lada ka  
 long ka jingker bym lah bor jong u kiba  
 jong tang da ki diengrit diengria ba  
 kin itynnad bad ihun ia kata ka jing-  
 trei barit ba lah ban iada ia ki  
 jingthung jingtep jong u.

Ka mynsiem trei minot bad trei  
 janai jong u kan wallam ka jingkyrkhu  
 ia u, namar u briew uba don kane ka  
 jinglong ka long ba un nym sngewhun  
 hapoh ka mynsiem jong u, ba wat la u  
 la ker minot da kita ki diengrit hynrei  
 u iohi ba donkam ban ker da ki dieng  
 kibə bha bad ba skhem khnang ba ka  
 kper jong u kan itynnad bad ba ki blang  
 ki masi kin nym lah shuh ban rung  
 ban pynduh ia ki jingthung jingtep jong  
 u. Haba u don kata ka jingmut,  
 u trei minot u shah shitom haduh ba un  
 da ioh ia kata kaba u kwah. Haba u  
 la ioh ia kata kaba u kwah ka kper  
 jong u ka la skhem ym don ba lah shuh  
 ban pynjot mano mano ruh.

Kumba u long u briew uba trei minot bad trei janai ia la ka kam kumta ruh u long janai bad sumaria la ki jingthung jingtep ba kin long bad seisoh oha. Haba ki long bad seisoh u la ioh jingmyntoi na kata ka jingtrei minot bad trei janai jong u. Ka myn-siem trei minot bad trei janai jong u kan nym shongthait noh tang kat kata kaba u la ioh hynrei ka nang im sngi ba un dangtrei minot bad pynjanai shuh ialade kumta ter ter haduh ba un da long u briew uba ioh ba kot uba im suk im donburom, namar baroh kaba u trei ka bun da ka jingseisoh bad ka jingiohnong. Kane barabor ka long ka jingkyrkhu ia u briew u ba trei hok, trei beit bad trei janai ia ia ka jong ka kamram kaba long kat kum ka jinglongbriew ba shisha jong u.

U briew u bym trei hok trei beit bad trei janai ia la ka kam kat kum ka kamram jong ka jinglongbriew jong u, un nym lah long briew bad ioh jingkyrkhu lano lano ruh. Kane ka jingtrei tang dep jong u kan pynlong ruh ia u ba un im tang dep ha kane ka pyrthei, namar ka jinghikai, ka jingpyn-sngewthuh bad ka jingshisha jong ka

jinglongbriew ka long ba u dei ban trei hok, trei beit bad trei janai ia la ka jong ka kamram lada um leh kumta kata ka mut ba un nym lah longbriew lano lano ruh. Kane ka long kaba shisha ba u briew u bym trei hok trei beit bad bym trei janai hynrei uba shu trei tang dep, un nym lah ban long briew lano lano ruh, namar baroh ka jingtrei kaba u trei namar ba u trei tang dep baroh ruh kan wallam tang ka jingduh suda ia u. Lada u rep kper u puh u dain ia ka khyndew, u thung ia ki jingthung jingtep khlem da leh janai ban shain ni ia ka khyndew bad khlem da pynkhuid ia u niut u nier bad khlem da trei bha kat kumba dei ban trei na ka bynta ka jingbha jingmer jong ki jingthung jingtep, uta u jingthung un mih ia kaba mih kumba la bret ia u 'symbai ha ka khyndew hynrei un nym lah ban bha bad ban seiso katba uta u briew uba la thung u lah ban iohnong na kata ka jingtrei jong u. Haba thung jingthung donkam ruh ban da ker bha ker janai lada ka jaka kaba dei ban ker kat haduh ba kin nym lait shuh ban rung ki masi ki blang ki sniang ki syiar ne kino kino ki ban wan pynjot ia ki jingthung jingtep, hynrei kumba n

long u briew uba trei tang dep u ker  
 ruh tang dep bad kumta ka blang ka  
 masi ruh ka lait ban rung ban pynjot  
 bad pynduh ia kita ki jingrep jingthung  
 jong u. Namar ba u long u  
 briew uba trei tang dep khlem trei  
 hok trei beit bad trei janai ia la ka  
 kam nalar ba u jingthung jingtep  
 um long seiso bad nalar kata pat  
 pynjot sa ka blang ka masi ka mrad  
 ka mreng bad kumta ka la long ka  
 jingduhnong jong u haba u rep ia kata  
 ka kper bad kumta ruh haba u la  
 duhnong, kumta u la dei ban iehnoh  
 shisyndon ia kata ka kam trei kper  
 jong u. Kumba u long u briew uba  
 trei tang dep, kawei pa kawei ka kam  
 kaba un trei ruh un trei hi tang dep,  
 bad kumta ruh barch ki kam kiba u  
 trei kin long kiba duhnong suda ia u,  
 bad kumta un kylla long u briew u  
 bym long ban trei kam ei ei ruh bad  
 u ba kyrduh bad im shitom bad u  
 briew uba duh jingkyrkhu na baroh ki  
 kam namar ba u long u briew u bym trei  
 hok trei janai ia la ka kam kat kum ka  
 kamram jong ka jinglongbriew bashisha.

Ka jingim jong ka jinglongbriew ba  
 shisha ban poj sha ka jingbha ka long



kaba dei ban long katba lah ban long u  
briew u ba leh hok leh beit, trei hok trei  
beit, leh janai bad sngew ba haba leh ia  
kano kano ka kam ba kata ka kam kan  
poi ha ka jingjanai bad jingshisha jong ka.

Ka jingsngew bad ka jingleh jong  
u briew kaba da pyrkhath na ka bynta  
ka jingbha janai jong kano kano ka kam  
kaba u trei ka long ka kamram ba dei  
kaba bunsien ka ju wallam ia ka jingbha  
shimet jong u bad ia ka jingbha jong ka  
jaitbynriew jong u baroh kawei, namar  
ka jinglong janai bunsien ka long ka  
nongjop ha ka jingkiew sha ka burom  
jong ka jinglongbriew.

Barabor ban long kiba trei hok,  
trei beit bad trei janai ia kano kano ka  
kam haba shim ban trei na kiwei pat ki  
briew. ai ba lada ka long ka kam wai  
kynroh maw, haba shim ban trei ia kata  
kam dei ban da pynbeit jingmut bad ba  
dei ruh ban trei kat kum ka jingiakut,  
ba kata ka kynroh maw kan long kaba  
bha kumba uta u trai ba ai wai u la mut  
ban aiti ban trei. Haba trei ia ka kam  
dei ban pyndonkam shibun ki jingpyr-  
khat bad shibun ki buit babha ba kumno  
un poi u maw kloi kloi bad kham duna  
jinglut, bad ba kumno kan ia id stet ka

jingtrei ban dep kloï khnang ban dup  
 iohnong ne iohmyntoi. Ka long ka kam  
 ka bym dei bad kaba ym lah ban poi  
 sha ka lynti kaba bha ban pyndonkam  
 da ka buit sniew bad buit thok ban trei  
 arsap bad trei tang dep ia ka kam, ban  
 shu tyrsat da u mawjot mawpei, pynbha  
 tang na khmat haba kim iohi ki trai  
 nongaiwai bad ban leh kumba trei bha  
 haba ki don ha khmat. Ka kam trei  
 arsap ka lah ban pyniohnongpashait  
 tang ha kaba shisien hynrei kan long  
 ka nongpynduh nong pat ha kaba bun-  
 sien, namar kata ka kynroh kaba shu  
 trei thok bad trei arsap bunsien kan  
 nym lah neh bad kumta kan twa, haba  
 ka la twa kan pyni lut ia kata ka jingtrei  
 sniew jong kata ka kam baroh kawei.  
 Kane ka jingjia barabor ka ju pynbna  
 paidbah ba uta u nongshim wai u long  
 uba trei arsap bad trei thok ia ka kam  
 bad kumta baroh kiba la tip kin ia leh  
 ban kiar ban nym ai kam ha uta u briew,  
 kumta haba leh thok ia kiwei ka long  
 kumba leh thok pynban ialade ban wal-  
 lam ia ka jingkyrduh kam bad ka jing-  
 shitom ha kiba bun ki sngi. Namar kata  
 ka jingtrei hok trei beit bad trei janai  
 ka long ka kamram badei jong u briew.

---

**KA JINGSHANIAH JONG KI PARA BRIEW  
KA LONG KABA DONKAM IA U BRIEW.**

Ka kamram ba kongsan tam jong ka jinglongbriew ba ki briew kin kiew ha ka jingim jong ki, ka long ba ki dei ban ioh ka jingshaniah na la ki parabriew na baroh sawdong ki kam ba ia dei bad ki. Ki briew kiba ioh ka jingshaniah jong ki parabriew ki long kita ki briew kiba leh hok, leh beit bad trei hok trei beit ia la ka kam kum ki briew kiba bud ia ka jinglongbriew ba shisha. Ban ioh ia ka jingshaniah jong ki parabriew nalar ba ki briew ki don ka jingmut hok bad jingmut bha, ki dei ruh ban long ki briew kiba don ka jingpyrkhat ba haba kren, haba trei ne haba leh ia kano kano ka kam ba kata ka kam kan pynsngewhun bad pynsngewtynnat ia kita ki briew ba iadei kam bad ki. Haba ki trei ne leh ia kano kano ka kam kata ka kam ka dei ban long barabor kaba long hapoh ka bor jong ki, khnang ba kata ka jingkren, jingleh, jingpyrkhat bad jingtrei kan wan poi thik haba mut namar ba ka dang long hapoh ka bor jong ki. Wat la ki long ki briew kiba hok bad kiba mut ia kaba bha hynrei lada ki long ki briew ki bym don ka jingpyrkhat ba

jngai bad kumta ki leh, ki kren, ki trei ia ka kam kaba palat ia ka bor jong ki bad kumta bunsien kata ka kam jong ki kan nym lah poi ha kaba mut ba ki la kular ban leh ha la ki parabriew. Kane ka jingbymlah jong ki ban leh kumba ki la mut ban pyndep ia kaba ki la kular, bunsien ka ju pynduh ia ka jingshaniah jong ki parabriew bad kumta ka jinglongbha jong ki ka shu long lehnohei tang namar ka jingleh bad jingkam lalot jong ki.

Ban ioh ia ka jingshaniah jong ki briew dei ban long ki briew ba haba trei ia kano kano ka kam na ka bynta kiwei pat ki briew ba kata ka kam jong ki kan long kabá pynsgewbha ia ki, ba kita ki briew ki la leh kat kumba ki la kren ka ktien bad la kular ha khmat jong ki. Haba la kren bad la kular ia ki briew dei la kumno kumno ruh ban pynbiang ia kata ka jingkren bad ka jingkular ia ki. Wat ju kular skhem bad buh thik ban pyndep ne pynbiang ia kano kano ka kam lymda ka don ka jingsngewthuh ba skhem ba lah shisha ban pynbiang ia kata ka kam kumba la kular.

Bunsien ki briew namar ka jingdonkam than ban ioh ia kaei kaei kaba ki

donkam eh, ki ju kular thik thik ban  
 pynbiang ia ka jingkwah jong kita ki  
 briew kiba la ai ia ka jingdonkam jong  
 ki wat lada ki la sngewthuh ba ym don  
 ka jingthikna ba ki lah shisha ban pyn-  
 biang ia kata ka jingkular jong ki.  
 Kane ka rukom jingkular bunsien ka la  
 ju pynpulom ia kita ki jingkular skhem  
 jong ki bad kumta na kata ka jingbym-  
 lah jong ki ban pynbiang ia kata ka jing-  
 kular thik thik jong ki, ka la ju mih ka  
 jingsngewsih kaba khraw, namar kita  
 kiba ai ruh tang namar ba kita kiba  
 shim ki la kular thik thik ban pyn-  
 biang pat ia ki, lymda kumta kin nym  
 ai da lei lei ruh, namar kata kaba ki ai  
 ka long kaba ki donkam eh ialade ha  
 kata ka por ba ki la mut thik thik ban  
 ioh pat ia ka. Haba la jia kumta kita  
 ki briew kiba la iarap ia ka jingdonkam  
 jong kita ki briew, ki la duh noh ka  
 jingshaniah ia kita ki briew ki bym shym  
 lah ban leh kat kum ka jingkular jong  
 ki, kumta ki briew kiba don ka jinglong  
 kaba bha ba ki dei ban da pyrkhat ban  
 pynim jingmut ba kin nym liat kum ha  
 katei ka rukom jingjia namar ka jing-  
 bakla kaba tang shisien ka lah ban  
 pynsniew bad pynbudnam ia ki.

Ha ka jinglongbriew ka jingbakla,  
 ka jinglait jinglet ka long kaba bun ym  
 don ba lah biang hynrei ka jingbakla  
 kaba kular thik thik ia ki briew ia  
 ka kam kaba ki donkam ch haba la  
 sngewthuh lypa ba ka long kaba artatien  
 ba lah ban pyndep, ka long ka jingkular  
 thok bad kaba pynkylla thok ialade  
 bad kita kiba shah kular thok bunsien  
 ki ju shem ruh ia ka jingshisha ia ka  
 jingkular thok jong kita ki briew. Haba  
 kular ia ki da ka jingsngewthuh ba lah  
 ban pyndep ia kata ka jingkular hynrei  
 leit jia ryngkhat ba ym lah ban pyndep  
 ia ka namar ka jingbakla ne namar kano  
 kano ka daw jong ki jingkylla jong ka  
 pyrthei, kum ia kata ym lah ba leh ei ei  
 haba ka leit jia hi kumta bad bunsien  
 ruh kita kiba shah kular ki ju shem ia  
 ka jingshisha ba kita kiba kular kim  
 shym thok hynrei ba la shu bakla lane  
 ba ka la shu leit jia ryngkhat kumta. Ka  
 jingleh ia kaba dei, ka jingkren ia kaba  
 shisha bad ka jingtrei beit da pyrkhat  
 ryngkat bad ka jinglong babha, ka pyn-  
 long ia ka jingshaniah jong ki para briew.  
 Ki briew kiba don kane ka jinglong  
 haba ki trei kano kano ka kam bunsien  
 kata ka kam ka long kaba sei soh bad  
 kaba lah ban jop barabor, namar haba

ki kren ia kano kano ka ktien ki briew  
 ki ju sngew bad kohnguh ia ki. Haba  
 ki donkam kano kano ka jingiarap na la  
 ki para briew, ha ka liang ka kam ba kin  
 iarap lane ha ka liang ka pisa tyngka,  
 da kaba jem ki lah ban ioh namar ba ki  
 parabriew ki sngewbha, ki sagewtynnat,  
 ki Reid bad shaniah ia ki.

- - - - -

#### KA SPAH BYM HOK KAM JU LAH NEH.

Ka spah bym hok ka long kata  
 ka spah ba la ioh da ka kam thok kam  
 shukor, kaba long haba ki briew ki aiti  
 ia kano ka kam da ka jingshaniah ban  
 pyntrei ia ka kam ha ka liang ka pisa  
 tyngka, kata ka long kum ha ka kam die  
 dukan, ka kam pynniah kali kamai pisa,  
 ka kam long rangbah nongpyntrei jing-  
 trei ia ki briew bad kiwei kiwei  
 ki kam kiba ia dei ha ka liang pisa  
 tyngka kaba ki briew ki shaniah ba  
 kiwei pat ki briew kin pyntrei na ka  
 bynta jong ki. Don ki briew haba ki  
 pyntrei ia kum kata ka kam bunsien  
 kim ju lah satia ban pyniaidbeit ia ka  
 ha ka lynti kaba dei bad ba hok khlem.

da shim klep bad leh thok ban ioh  
 thep sha la ka jong ka pla pisa bad  
 kumta ki kylla long ki briew kiba tuh  
 bad kiba thok ba shukor ia ki trai  
 jong kata ka pisa. Haba ki la long  
 ki briew kiba tuh, ba thok ba shukor,  
 ka jingiatiplem jong ka jinglongbriew ka  
 pynrem ia ki namar ba ki la leh pyr-  
 shah ia ka ain jong ka jinglongbriew, ki  
 trai kam ruh ki ud ki khñium ia kata  
 ka jingleh bym hok jong ki, kumta ka  
 long ka jingtim ia ki. Ka pisa kaba  
 ioh da kaba leh tuh kaba thok bad  
 kaba shukor lada ki briew kin ioh katno  
 katno ruh kam ju lah ban pynlong bha  
 pynlong miat, pynlong heh pynlong  
 hain bad pynlong donburom ia ki lano  
 lano ruh, lada ki briew ki ioh katno  
 katno ruh kam lah neh satia hynrei ka  
 shu ngam ka shu jah khlem sngewthuh  
 kumno ba ka wan bad kumno ba ka leit.  
 Teng teng haba ki la ioh palat eh  
 ka jingioh na ka jingleh klep leh thok  
 jong ki ki kylla long pahuh pahai  
 shipor hynrei tang khyndiat por ki la  
 ju kylla long kiba shitom bad kyrduh  
 palat ia kaba ki la ju long ha kaba nyng-  
 kong. Kane ka long kaba shisha bad  
 kumta haba trei ia kano kano ka kam  
 la ha ka kam khaii pateng, kam die



kam thied ne kano kano ka kam, ba dei ban kiar katba lah ban leh ia kano kano ka kam ia kaba la sngew-thuh ba ka long ka kam thok kam shukor, namar ka long ka ban nym lah ban pynlong pynmanbha ia ki brieve lano lano ruh.

Kat kum ka jinglongbrieve ki brieve kim ju lah biang ki long kiba don ka let ka lait bad ka jingbakla ha ki, kumta ka jinglehlait-lehlet bad jingbakla kaba khyndiat khynsoit kam da ktah than, namar haba ki long ki brieve ki babha jinglong, ki kam babha jong ki ki long barabor kham bun shah ban ia ka kam sniew kamlet-kamlait jong ki, kumta kita ki brieve kumba ki brieve ki long ki bym ju lah biang lut, ka pyrthei, ki dalade hi bad ki parabrieve ki ju pynksan ia ki ba kin poi sha kaba bha ba miat namar ki kam ba bha ba bun jong ki ki lah ban tyllap ia kata kaba khyndiat ka let ka lait jong ki.

---

# **KA JINGKORDOR JONG KA AKOR HA KA JINGLONGBRIEW.**

Ha ka jinglongbriew ka akor ka long kawei na kiba kongsan tam na ki kam jong ka jinglongbriew ba ki briew ki dei ban long, ia kane ka jinglong don akor jong ki briew la hikai bad la pynsngewthuh ia ki ba ka long kawei na ki tynrai jong ka jingim jong ki, ki dei ban leh don akor haba ki leh ia kano kano ka kam bad kren don akor haba kien ia kano kano ka' ktien. Ka jingleh don akor bad ka ktien don akor ka long kaba pynsngewbha bad pynsngewtynnat ia ka jingim jong ka jinglong briew parabriew bad kaba pynlong ruh ia ka jingshemmbha shemmiat ia u briew ha kane ka pyrthei. Ka jinglong khlem akor pat ka long kata kaba pynsngewsih pynsngewsaitmet ia ka jinglongbriew parabriew bad kaba wallam ruh ia ka jingshemsnieuw ha ki briew ha kane ka pyrthei.

Ki briew kiba don akor haba ki kren ia ki briew la ha kaba rieh ne ha kaba paw, ki ju pyndonkam da ki ktien kiba jem bad ba sngewtynnat ba kita ki briew kiba ki ia kren ki sngewbha, sngewtynnat bad sngew

burom ia kata ka surktien da thew jong  
 ki. Ki briew kiba don akor, haba ki  
 kren ka ktien ki da thew bad da pyrkhat,  
 wat ia ki briew kiba la leh ka kam kaba  
 palat ia ki, barabor kim ju kloï ha  
 khmat ban kren mak mak da ki ktien  
 ki ban pynsngewsih ia ki hynrei ki  
 sdang da ka ktien bajem babha bad ba  
 sngewtynnat ban pynsngewthuh ia kita  
 ki briew ba ki la leh ka kam kaba  
 bakla ia ki bad kiba bun ha ka jingkren  
 jong ki ki ju pyndonkam ia ka ktien  
 "PHI" ha ka jaka ka ktien "ME" bad  
 "PHA" namar ka ktien "PHI" barabor  
 ka mut ka ktien khot ba ju khot ieid  
 bad ka ktien don akor bad ka ktien  
 "ME" bad "PHA" pat bunsien ka  
 long ka ktien khot tohmet bad ktien  
 khot khlem akor haba pyndonkam ia  
 ki ha ki briew kiba ym dei ban pyn-  
 donkam da kitei ki ktien. Ka ktien  
 don akor ka long kata ka ktien ba  
 sngewieid bad sngewburom jong ka  
 jinglongbriew, kaba haba kren da ki  
 ktien ba don akor wat ki briew kiba  
 sniew jinglong bad sniew mynsiem ki  
 ju jem ka mynsiem ba kin nym nud  
 ban pyni kata ka mynsiem sniew jong  
 ki. Kumta ka ktien don akor ka long  
 ka ktien ieid ktien donburom kaba

wallam ia ka jingkordor jong ka jingsngewieid para briew kaba lah ban pynsuk pynjem barabor ia ka jingsngew kaba mih na ki jingbakla jong ka jinglongbriew bym ju lah biang. Ka jinglong don akor ka long kata ka jinglong kaba ki para briew ki ieid bad ki burom ia ka bad kata ka jingieid bad jingburom jong ki parabriew ka long ka jingkyrkhu ia kita ki briew kiba don ka jinglong don akor bad kumta bunsien ki briew kiba long don akor ki long ki briew kiba kiew kyrdan bad kiba poi sha ka burom.

Ka jinglong don akor kam long tang ha ka ktien ba kren hynrei ka long ruh ha ka iaideid ka ieng bad ka jingleh ha ka kam ka jam. Ia ki ktien don akor, ia ka iaideid ka ieng don akor bad ka jingleh don akor ha ka kan ka jam, ym donkam ba kiwei pat ki briew kin batai ia kiwei pat ki briew kumno ban long, ban kren bad ban leh don akor namar kane ka la don lypa ka jingtip bad jingsngewthuh ha man la ki briew ba kumno yn kren ba kumno yn leh ban long ki briew kiba don akor, baroh ka shu long tang kane ba ki briew kiba long don akor ki

long kita ki briew kiba don ka jingpyrkhat bad ka jinglong babha bad ba ki briew pat kiba long khlem akor ki long kita ki briew kiba ym don jingpyrkhat bad kiba don ka jinglong kaba sniew.

Ki briew kiba don akor bad kiba don ka jinglong babha naduh ka mynsiem, haba ki leh ia kano kano ka kam ki leh naduh ka mynsiem kat kum ka jingpyrkhat bad ka jingsngew jong ka mynsiem babha jong ki. la ha kaba paw ne kaba rieh. Haba ki kren ia ki briew markhmat ki da pyrkhat ba kata ka jingkren jong ki kan pynsngewieid bad pynsngewtynnai ia ki haba ki kren, haba kim don markhmat ruh ki kren da ka jingpyrkhat bad ka jingsngewthuh ba ka ktien bha ka long kaba bha kaba ialam sha ka jingbha bad ka ktien sniew ka long kaba sniew kaba ialam sha ka jingsniew.

Ha ka jingleh ia ka kam ruh ki briew don akor bha jinglong ki leh barabor da ka jingpyrkhat ba kan poi sha kaba bha suda, haba ki sar ia u ñiut u ñier ne ki bret ia ka jakhlia ki khun ki kti la haba paw ne haba rieh kim ju bret khlem akor sha ka jaka

kiwei pat ki briew ne sha ka lynti syngkien ba iaid ki briew, hynrei ki da leit theh ne leit bret ha ka jaka kaba dei ka ban nym pynsngewsaitmet ne pynsngewjakhlia ia kiwei pat ki briew namar ki sngewthuh ba lada ki leit theh ia u ñiut ne leit bret ia ka jakhlia ki khun ki kti jong ki sha ka jaka ki briew ne ha ka lynti ba iaid ki briew, kita ki trai jaka ne ki briew ba iaid lynti, wat lada kim tip mano ba la bret ia kata ka jakhlia, hynrei kin khñium kin mai, kin tim ia kata ka jakhlia ba pynsngewsaitmet bad pynsngewsih ia ki bad kata ka jingsngewsih, jingñai jingtim jong ki ka long ka jingtim ia kita ki nongthesh jakhlia bad ia kita ki khun ki kti jong ki kiba la pynmih ia kata ka jakhlia bad kumta kita ki nongshah khñium bad shah tim barabor kim ju kham poi sha kaba bha. Kumta ki 'riew pyrkhath bad ki 'riew don akor haba ki iaid ha lynti syngkien haba ki bret kano kano ka jakhlia kaba mih na ki ki bret sha kyndong rud lynti khnang ba kata ka jakhlia jong ki kan nym pynisih ne pynwit ia ki paidbah ba iaid lynti nangta, kum kita ki kam ki long ki kam don akor kiba ki 'riew don akor ki ju leh bad ki ju ñiewkor barabor.

Ki briew kiba long khlem akor kim ju da pyrkhat ban leh ia kaei kaba dei kat kum ka kam don akor, ki long kita ki briew ki bym don ka jinglong kaba bha ha ki, ki bym don ka mynsiem bad ka jingpyrkhat kaba biang kat kum ka jinglongbriew bashisha. Haba ki leh ia kano kano ka kam kim ju da pynshongnia ba ka long kaba bit ban leh kumta ne ka bym bit, hynrei ki leh la ka leh kat kumba ki mon ban leh khlem da pyrkhat ia ka jingsngew jong kiwei pat. Barabor ki long ki briew kiba laplah kiba kynshlein bad kiba sniew jinglong. Haba ki leh kano kano ka kam ne haba ki kren kano kano ka ktien barabor kim da khein bad salia than ba kiwei pat ki briew kin sngewsih ne kin sngewbha ia ki. Ia ka jinglong jong ki ki parabriew kim kham sngewtynnat ne sngewbha, la ha ka trei kam trei jam ne ka ia kren ka ia khana ne ha kano kano ka liang jong ka jingiadei bad ki, bad kumta ki kylla long ki briew kiba duh noh ia kata ka jingniewkor jong ki parabriew bad ki bym lah ioh satia ia kata ka burom jong ka jinglongbriew ba ki lah ban poi sha ka lynti kaba bha.

---

**BAN TEI IA LA KA JINGIM,  
 DEI BAN PYNHONG TYNRAI HA  
 LA KA JONG KA BOR KA BUTT BAD HA  
 LA KI JONG KI KJAT.**

Haba don jingmut ban trei ia kano kano ka kam dei barabor ban pynshong tynrai ha la ka jong ka bor bad ka buit, kata ka long haba mut ban sdang ne ban trei ia kano kano ka kam kaba la don jingthmu ban trei ba shwa ban sdang ban leh ia kata ka kam ba dei ban sngewthuh ba don ka bor na lade ban pynbiang ia kata ka kam haduh ba kan da ieng kat haduh wat lada ka dang duna bym lah kot bor shuh ruh hynrei ba kata ka kam kan iaid katba ka lah ban iaid ei khlem duh ei noh bad ba kan ieng kumba ka la dei ban ieng khlem duh shuh wat lada ka shu sah ne shu iaid khlem pat biang paka katno katno por ruh, namar ba yn sa pynbiang paka pat ia ka ynda haba la bit la biang bad la don ka bor ka buit. Kum ka nuksa ban pyni ka long ba haba mut ban tei ia ka ieng dei ban sngewthuh ba ka don ka bor na lade ban pynieng ia kata ka ieing kat haduh ba kan da ieng bad da long ka ieing ba kan nym duh ei shuh kat haduh ban da lah ban pyn-



biang paka ia ka. Bun ki brierw haba ki mut ban thaw ia ka ieing ki tang shu don ka bor ban thied rishot bad pyniar kumta hi ki sdang thaw noh ia kata ka ieing da kaba ki shaniah ba kin ioh hi naei naei ban pynbiang ia ka, hynrei hunsien ynda haba ki la pynieng bad la pyn-dep ia u rishot, u tnum bad u pyniar, la lut neh ka bor jong ki, kata kaba ki khmih lynti ban ioh naei naei, katno katno ruh ym lah ioh bad kumta ka shu sah kumto da ki snem kat haduh ba kan da pyut bad duhei kata kaba ki la tei baroh. Kata ka jingduhei jong u rishot, u pyniar bad kiwei kiwei kiba la pynieng hangta ki la pynlong ka jingduh kaba khraw bad kumta ka la long ka jingeh kaba khraw ban ioh ban sdang pat ban pynieng ia kata ka ieing.

Haba don jingmut ban trei ia kano kano ka kam kaba kham heh kaba da donkam baiseng baidang, wat ju mlien ban don jingmut ban trei ia ka na lum ha lum ban shim tang da ka ram ka shah suda khlem da don baiseng katto katne na lade. Haba don baiseng katto katne na lade ka mynsiem ka shingain bad ka khilain bad kumta lah ban pyniaid beit ia ka kam. Kawei pat

lada leit jia kumno kumno ba kata ka kam kam long, lada ka long ka kam kaba shu trei tang da ka ram suda kan long ka jingshitom kaba khraw ba kumno yn leh ban siew ia kata ka ram kaba ki briew kin nym shah satia khlem da siew pat ia ka bad naei yn ioh ban siew ia kata ka ram haba ym don ei ei na lade. Haba long u briew uba don ka seng na lade katto katne wat lada kata ka kam kam long ruh hynrei ka don ka lynti ban pyrkhat ban siew noh tang ia kata ka ram jong ki briew, haba kata ka kam ka long kaba duh, namar kata haba leh ne trei ia kano kano ka kam dei ban pynshong tynrai ha la ka jong ka bor bad ka buit. Ka bor bad ka buit jong kiwei pat ka lah ban iarap hynrei kam don tynrai ei ei ruh em. Kumta na ka bynta kano kano ka kam barabor dei ban ieng skhem ha la ki jong ki kjat.

Ban tei ia ka jinglongbriew wat ju shaniah lano lano ruh halor jong ka pisa iohei, kane ka pisa iohei kan ialam ia u briew sha ka jinglong riewkai ba shu khmih lynti tang ia ka kam iohei bym ju lah pynlongkam ei ei ruh ialade. Ka pisa kaba ioh da kaba

pynmih ia la ka jong ka umsyep kata  
 ka dei ka pisa hok kaba u briew u ioh,  
 ka ban pynlongbriew bad ka ban pynpoi  
 sha ka lynti imsuk-imsain ia u briew  
 ha kane ka pyrthei.

Ki don ruh ki kam kiba ki briew  
 kiba stad bad heh jabieng ki nud ban  
 trei ia ka kam kaba long palat ia kaba  
 ki dei ban trei. Kane ka kam ka long  
 ba ki briew ki iaidda ka jingkhein bad  
 ka jingiohi ba kata ka kam kaba kin  
 shim ban trei kan iaidda shano, kan long  
 kumno bad kan poi shano. Haba ka  
 jingkhein jong ki ka la biang ki shim la  
 ka shim ban trei ia ka. Kane ka rukom  
 jingtrei ka long ba ki pha ialade da kaba  
 ki buh shiliang ka kjat sha riat bah bad  
 shiliang kawei ka kjat pat sha surok  
 bah. Haba kata ka kam ka iaidda bad  
 ka wan kat kum ka jingkhein jong  
 ki ki la kylla briew artat bad haba ka  
 bakla pat ki kylla mrad syndon. Kane  
 ka long tang ka kam ki riewstad ki  
 riew heh jabieng bad ki riewshlur khein  
 duh kiba barabor ki long ki nongjop,  
 hynrei kam dei satia na ka bynta u  
 paidbah ba bun jong ka pyrthei, uba  
 dei ban iaidda ha la ka jong ka bor bad  
 ka buit ka jong u haba u trei ia kano

kano ka kam na ka bynta ka jingim-  
suk pyrthei jong u.

Haba don ka seng bad ba mut ban  
trei kano kano ka kam dei ban da  
pyrkhat sani pynleit jingmut ba kata  
ka kam ka ban trei kan long kumno  
ha ban trei ia ka. Mut dur da ka jing-  
iohi dalade hi ba ka long ka kam ka  
ban poi sha kaba bha ba miat ne kam  
lah poi shata, haba dang sngew duna  
ym lah pyrkhat bad shemphang dalade,  
wat ju sngewheh bad wat ju sngewrem  
ban leit ia pan jingmut na ki paralok  
parajor ba kin ai jingmut lem ia kata.  
Kita ki paralok kiba phi leit ban pan  
jingmut ruh ki dei ban long ki briew  
kiba stad bad kiba nep shaphang ka  
rukum trei kam, kiba bha bad jynsur  
mysiem ia la ki parabriew bad kiba  
phi tip bad iohi ba ki long ki briew ba  
haba ki trei ia kano kano ka kam kham  
bun kita ki kam jong ki kiba ki trei ki  
long kiba seiso bad kiba kiew sha  
ka kyrdan jong ka burom.

Haba long ki briew kiba shaniah  
halade bad ieng ha la ki jong ki kjat  
da ka jingpyrkhat sani na ka bynta  
ka jingim suk ialade, ka lynti ha ka

pyrthei hi ka ju ialam kum ia kita ki  
briew ba kin poi sha ka kyrdan jong ka  
burom pyrthei.

---

**IEID, BUROM, NGEIT BAD KCHNGUH  
HUKUM IA LA KI KMIE KI KPA  
BAN POI SHA KA JINGBHA.**

Ki khun ki long ka mynsiem jong  
ki kmie ki kpa, ba kin iap bad ba kin  
shem sniew ki khun ki kmie ki kpa kin  
pha wat la ka jong ka jingim ka jong  
ki. Ka jingieid jong ki kmie ki kpa ia  
la ki jong ki khun ka long haduh katta  
katta kaba ym lah shuh ban pynianujor  
bad kano kano ka jingieid ha ka pyrthei.  
Kane ka jingieid jong ki kmie ki kpa  
ia la ki jong ki khun kam long tang  
ha ki briew hynrei ha baroh kiba ia long-  
kmie long kpa bad ialong khun, kum ki  
mrad ki mreng, ka sim ka doh bad  
kiwei kiwei. Ka siar haba u wan u  
khlieng ban kem ia ki khun siar, ka  
kmie kan her pyrshah ban kynrup ia u  
ban ialeh ban lait ki khun, khlem pyr-  
khat, khlem tip briew bad khlem sngew  
ei ei wat lada u pyniap noh ia ka.  
Haduh katta ka jingieid jong ki kmie  
ki kpa ia la ki jong ki khun. Ka kmie

ka long kaba kham ieid tam ban ia baroh, namar ka kmie ka long kaba pun ia la ki khun ha la ka jong ka kpch, kaba la kha bad la ai buin ba kin im kin tngen kin kdang, kaba la thum bad pynsan pynrangbah naduh ba kin da long kiba la tip hi ia la ka jong ka im ka iap.

Ka jingkwah bad ka jingthrang jong ki kmie ki kpa ka long ba ki khun jong ki kin long ki briew kiba poi sha ka jinglongbha-longmiat naduh ba ki dang khyllung haduh ba kin da iap noh na ka pyrthei jong ka jinglongbriew jong ki, kumta ki kmie ki kpa ki khroh ki kjor, ki doh ki dait ia ki khun ba dang khyllung-khynnah haba ki leh ia ka kam kaba bha ka ban ialam ia ki sha ka jingim babha bad ki mai ki sympat haba ki leh ia ka kam kaba sniew ka ban ialam ia ki sha ka jingim basniew, bad kumta ruh ki sneng ki pyni ia kaba sniew bad kaba bha ia la ki jong ki khun ba la san la rangbah ba kin poi sha ka jingim basuk bad babha.

Ngeit bad kohnguh ia ka jingsneng jong ki kmie ki kpa khnang ba yn poi sha ka lynti ka jingsuk bad jingbha,

namar ki kmie ki kpa ki long kiba kwah bad ba thrang ba ki khun jong ki kin poi sha ka jingbha, kumta haba ki khun ki leh bakla ia ka bym dei ki sneng ki pyni ia ki ban nym leh kumta namar lada ki leh kumta ki la iohi lypa ba ka jingsniew kan wan lap ia ki bad haba ki leh pat ia kaba dei bad kaba bha katno ki sngewtynn timer namar ki iohi lypa ba ki khun jong ki kin poi sha ka jingbha.

Wat ju tam-pynlah palat ban pyn-sngewsih kthang ia la ki kmie ki kpa namar kane ka jingsngewsih kthang jong ki ka long kaba sniew kaba ym ju kham lah poi ne shem bha. Wat ju pyniam ne pynjaw ummat kthang ia ki namar ki ummat jong ki ki long kiba jylliew bad kiba ia id jngai haduh katta katta ka ban pynpoi ia kita kiba pynjaw ummat sha ka jingiam bad jingjawummat kthang kaba arshah laishah ban ia ki.

Kawei kaba kham kongsan tam ka long ba wat ju shoh wat ju ktah kti ia la ki kmie ki kpa lada ki leh bakla katno katno ruh, namar kane ka kam ka long kaba sniew tam kaba kita ki nongshoh nongdat kin nym lah shem bha lano lano ruh.

Ha ka jinglongbriew ki don shibun  
 ki jinglait ki jinglet kiba uno uno ne  
 kano kano ka briew ki leh na ka bynta  
 ka jingbit jingbiang jong ka jinglong  
 briew, don ki khun kiba mai kiba dom  
 ia la ki kmie ki kpa haba ki leh ia kaba  
 bakla bad don ruh shibun kiei kiei ha ka  
 jinglongbriew kiba ki khun bad ki kmie  
 ki kpa ki iadom, iamai iania ban ia  
 pynbeit ia ka jingbakla jong ki. Kita  
 ki kam ki long ki kam ba long tang  
 ha sla kiba lah ban ia pyni bad ia map  
 kyliang hapdeng jong ki khun bad ki  
 kmie ki kpa, kum kita ki kam kim ju  
 ktah ei ei ruh em ia ka jingsniew jingbha  
 jong ka jinglongbriew namar ki long ki  
 kam ba tang ha sla bym don tynrai  
 jinglehbein ne jingibein ei ei iano iano  
 ruh em.

Ka kam ba kongsan tam jong ki  
 kmie ki kpa ban peit bad synshar  
 bniah ia la ki jong ki khun ka long ha  
 ka por ba ki khun jong ki ki la samla  
 namar ka la dei ka por jong ki ban  
 shong kurim, kham tam eh ia ki khun  
 kynthei. Kane ka por ka long kaba  
 kordor tam kaba rai ia ka jingim jong



ka jinglong briew ba ki briew kin  
 poi sha ka jingsuk-jingsain ne ba kin  
 poi sha ka shitom ka lanot ha ka jingim  
 jong ki. Ha kane ka por ki kmie ki  
 kpa ki husiar bha ia la ki jong ki  
 khun ioh ki leit ialang iajuh bad ki  
 briew kiba sniew ki bym bha jinglong  
 bad ki bym bha ka jinglong ka ieing  
 ka sem jong ki, ioh ba ki khun jong  
 ki kin ia ngat bad ia kynduh bad ki,  
 kaba long ba kin poi sha ka khein  
 burom ka shitom shijot ha ka jingim  
 jong ki. Ka jingkwah bad ka jingkhmih  
 lynui jong ki kmie ki kpa ka long ba ki  
 khun jong ki kin shem bha shem miat,  
 bad kumta haba ki khun ki ialang  
 iajuh bad ki briew kiba sniew ki da  
 sngewsih bad khang tynggeh ia la ki  
 jong ki khun ban ialang bad ki bad haba  
 ki ialang iajuh pat bad ki briew kiba  
 bha katno ki sngewbha ban ialeh ban  
 ring pynjan ia kata ka jingialang iajuh  
 jong ki namar ki la iohi lypa ba kata ka  
 jingialang iajuh jong ki khun jong ki kan  
 poi sha ka jingbha jingmiat bad jing-  
 suk-jingsain jong ki khun jong ki.  
 Kata ka long ka jingieid ba shisha  
 jong ki kmie ki kpa ia la ki jong ki  
 khun, namar kata ka kamram jong ki  
 khun ka long ba ki dei ban kohnguh

hukum bad kohnguh sneng ia la ki jong ki kmie ki kpa katba lah khnang ba kin poi sha ka lynti jong ka jing-longbha-longmiat bad ka lynti jong ka jingimsuk-imsain namar ka jingiohi jong ki kmie ki kpa barabor ka long kaba dei.

Ki don ki khun haba ki kmie ki kpa jong ki ki la tymmen, namar ba ki long kiba duk bad bym don kamai, ki isih, ki ibein bad ki leh bein ia ki, kane ka long kawei na ki kam kiba sniew tam ba ki khun ki leh ia la ki kmie ki kpa. Ai ba ki kmie ki kpa ki long kiba sniew ne ki long kiba kumno kumno ruh, hynrei ka long ka bym dei ban isih, ibein bad lehbein ia ki. Ka ieing jong ki khun ba isih, ibein bad lehbein kmie lehbein kpa ka long ka ieing kaba shem ia ka jingjot, ka long ka ieing kaba shem ia ka shitom ka lanot, ka ieing kaba ym don jingshongsuk, ka ieing kaba duh ia ka jingkyrkhu, ka ieing kaba duh ia ka burom pyrthei bad ka ieing kaba jot kaba pei kaba ym don jingshongsuk hynrei tang ki jingshitom bad jingjynjar suda. Haba ong ka ieing jong ki khun isih ibein bad lehbein kmie lehbein kpa,

kata ka mut ka ieing jong kita ki khun ba isih, ba ibein ba lehbein ia la ki kmie ki kpa. Ka ieing jong ki kan iai long kumta ha ki pateng ban dang wan ruh ter shi ter namar kita ki khun kiba la isih, kiba la ibein bad kiba la leh bein ia ki kmie ki kpa jong ki, kumta ki khun jong ki ruh kin isih, kin leh ibein bad kin lehbein ia ki kumjuh kumba ki la leh ia la ki jong ki kmie ki kpa jong ki, kane ka long kata ka raibi bad ka nongkylliang kaba long kaba eh shibun ban pynduh ia ka bad ban pynpoi pat sha ka jingbha kaba long kata ka ieing shongsuk shongsain jong ka jingieid bad jingburom ia la ki jong ki kmie ki kpa.

---

**WAT JU THARAI SNIEW BAN PYNBUDNAM  
IA KI BRIEW KHEM DA TIP IA KA  
JINGSHISHA.**

Wat ju tharai sniew ban pynbudnam ia ki briew kiba bha bad ba donburom tang na kaba ki kren sniew ki briew ia ki, namar ki don shibun ki 'riew lurni ki 'riew nangang kiba ka jinglong jong ki ka long ba ki don ka jingsngew tynnat ban ioh lurni ban kren nangang,

ban kren sniew ia kiwei pat tang na ino ino i daw iba rit ne na kaba ki shu iohsngew na ki briew ban pynheh bad pynshisha pat ia kata. Kane ka jingkren lurni bad tharai sniew ia ki briew ka iaid sted katta katta haba ki ia kynduh ki nongiathuh bad ki nongsngap ki ia long para ba lurni, katba nang iathuh ki nongsngap ki nang pynskhem bad pynshisha khlem da tip ia ka trai bad ka tduh, bad kumta bun ki briew kiba bha ba miat ki shu shah tharai sniew bad kylla sniew ei khamakha tang na ka jingkren nangang jong ki briew.

Haba ki briew ki tharai sniew bad pynbudnam ia ki briew kiba bha, kane kam ju kut noh tang ba la ioh tharai sniew ia ki hynrei ka long kaba sniew shibun ia kita ki briew kiba la pyn budnam bym shonghok ia kita ki briew kiba bha namar haba kita ki briew kiba shah tharai sniew ki tip ia kata ka jingtharai sniew jong ki briew ia ki, ki da sngewsih kthang naduh ka mynsiem, namar haba ki long ki briew kiba bha kata ka mut ba ki long ki briew kiba kwah ia ka jingieid bad jingshaniah jong ki para briew ia ki, hynrei ki la duh noh ia kata ka jingsngew jong ki para

briew khlem da don kata ka kam sniew kaba ki la leh. Kane ka jingsngewsih kthang jong ki bunsien kam ju leit sha no shano ruh hynrei ka leit sha kita kiba la pynbudnam khlem hok ia ki, ki-ta ki briew kiba nangang kin shem ka shitom ka lanot ka ban pynsngewsih kthang ia ki arshah laishah ban ia kita kiba ki ki la pynsngewsih kthang ia ki. Kane ka long kaba shisha kaba ju jia barabor wat lada ki briew bunsien kim poi pyrkhath ei ei shaphang kata.

Ki briew kiba don ka jinglong kaba bha haba ki iohsngew na ki briew ia kaei kaei kaba kiwei ki briew ki kren sniew ia kiwei pat, ki shu sangap kim ju ia tuklar pynheh ne pynrit ia kata, hynrei ki shu husiar tang ha lade ban bishar bniah bad wad jingtip ba ka long kaba shisha ne em. Kim ju don kata ka mynsiem nangang bad lurni ban kren palat bad pynbudnam ia kiwei pat. Kane ka long kata ka mynsiem jong ki briew kiba don ka jinglong ba bha kaba wallam ia ka jingshongsuk shongsain para briew bad para marjan marpar bad ba wallam ruh ia ka jingimsuk-imsain jong ki hi.

Ka jingtharai sniew, bad ka jing-khmih sniew ia u nongtuh, u nonglute ne uno uno uba leh ia ka kam sniew kaba da shem pyrshah ba u leh ia kata ka kam sniew kaba long pyrshah ia ka ain jong ka jinglongbriew, kum kata kaei kaei ka long kaba shongnia ban khmih sniew bad ban kiar kum na kita ki riawnsniew kiba la nud ban leh ia kata ka kam sniew bad ka long kaba dei ban iathuh lem ia la ki paralok, para-marjan marpar ba kin tip ia ka jinglong jong kita ki briew khnang ba kin lait na ka jingshahtuh-shahlute bad shah lehsniew ha kita ki 'riew sniew bad 'riew runar Kane ka long ka kam kaba dei ban leh, wat lada ka long ka kam ba pynbud nam ia kita ki nonglehsniew hynrei ka long ka kam ba pynbha bad ba pynmyntoi ia u paidbah ba bun kumba ka long ka kam ba la shem da ka jingshisha. Kita ki 'riew sniew ruh kim ju pangnud ne buhnud ei ei iano iano ruh haba ki briew ki kren ia ki namar ba ki la long ki briew kiba la lah leh ia kata ka kam sniew, kata ka jingleh jong ki hi ka la pynrem ia ki ba ki dei ban shah kren ha kino kino ki briew.

Ka jingtharai sniew ia ki brierw da ka jingngeit ka long ka kam kaba sniew shibun eh namar la jan baroh kum kita ki jingtharai sniew da ka jingngeit ki long ki bym don jingshisha ei ei, hynrei ka long kaba eh shibun ban pynngeit ia kata namar la jan baroh ngi ia long ki paid ngeit bieid suda, lada don u brierw uba sngewthuh un pyni ba ym dei ban shu ngeit bieid ia ka bym dei ban ngeit hynrei uta u brierw un shah kren bein bad un shah tharai sniew pynban ialade, namar ka jingngeit kam ju shah ban ia pyni nia ia kaba dei bad kaba lait, shisien ba la don ha ka jingngeit ka dei ban long kumta ym lah ban pynkylla da kumwei pat, wat lada lah ban pynkylla ruh, ym lah ban pynkylla kloi kloi hynrei kan shim por slem.

Ka jingngeit bieid ka wan na ka jingbieid bad jingduna pyrkhat ban pyrkhat bad pynshongnia na baroh ki liang dalade hi ba kata ka jingkren bad jingtharai jong ki brierw ka long kaba dei ne ka bym dei. Kumba la ong ba lajan baroh ngi ia long kiba ngeit bieid suda, hynrei kam pher ei ei kata ka jingngeit jong ngi lada ka long kata ka jingngeit ka bym don jingktah

iano iano ruh hynrei ka jingngeit bieid  
 kaba ktah ban pynlongsniew bad pyn-  
 budnam ia ki briew kiba ngi iohi bad  
 ngi tip ba ki long ki briew kiba bha ba  
 miat, kum ia kata ka jingngeit ngi dei  
 ban pynduh shisyndon namar kum kata  
 ka jingngeit ka long ka jingngeit ba  
 wallam ia ka jingsniew ym ia ka jingbha,  
 namar haba u briew u la ngeit ia uno  
 uno u briew ba u long uba sniew haba  
 u iohi ia uta u briew u i ia u kum u  
 ksuid, kane ka jingngeit pynlong ksuid  
 ia u briew uba bha kam ju kut noh tang  
 hangta hynrei kumba u briew u la pyn-  
 long ksuid ia u briew uba bha u ruh  
 ha kawei ka sngi un shah pynlong  
 ksuid ialade ha kiwei pat ki briew ne  
 un shem kano kano ka jingshem sniew  
 kaba long arshah laishah ban ia kata ka  
 kam kaba u la pynsah sniew ia kiwei  
 pat.

---